

Lalín km cero

Secretaría Xeral



Concello de Lalín

CONVENIO DE COLABORACIÓN ENTRE O CONCELLO DE LALÍN E A ESCUDERÍA LALÍN-DEZA PARA A CELEBRACIÓN DO XXIIIº RALLYE DO COCIDO

Lalín, 25 de abril de 2017.

REUNIDOS:

Por unha banda, o Concello de Lalín, actuando no seu nome e representación o Concelleiro Delegado de Deportes, D. Nicolás González Casares, con NIF 44086363-D, ao abeiro das competencias que por delegación da Alcaldía ten para vincularse neste acto, en virtude do Decreto da Alcaldía de 29 de xuño de 2015.

Pola outra, D. Antonio Rodríguez Troitiño, con NIF 35314960-R, en calidade de Presidente da Escudería Lalín-Deza, con CIF G-36.266.443, ao abeiro das facultades que, para vincularse neste acto, ten conferidas.


EXPOÑEN:

PRIMEIRO: Que os días 3 e 4 de marzo de 2017 celebrouse a **XXIIIª Edición do Rallye do Cocido**, proba puntuable para o Campionato Galego de Rallyes e proba de pre-inspección para o Campionato de España de Rallyes de Asfalto.

SEGUNDO: Que o Concello de Lalín, segundo se sinala no artigo 25.2.I) da Lei 7/1985, do 2 de abril, Reguladora das Bases do Réxime Local, ten competencias en materia de promoción do deporte.

Atendendo ao interese da actividade que é obxecto do presente convenio, no Orzamento municipal para o exercicio 2016 prorrogado para o exercicio 2017 dotou a partida 341.489.12 cunha subvención nominativa para a celebración do Rallye do Cocido por 6.000,00 euros. Dita partida foi suplementada tras a tramitación do correspondente expediente de modificación de créditos (Nº 3-P/2017), ascendendo finalmente o importe total de dita subvención nominativa a 8.000,00 euros.

A tal fin, as partes asinan o presente Convenio de Colaboración segundo as seguintes:



Lalínkmzero

Secretaría Xeral



Concello de Lalín

CLÁUSULAS:

PRIMEIRA:

O obxecto do presente Convenio é regular as bases de colaboración entre o Concello de Lalín e a Escudería Lalín-Deza para a celebración do XXIIIº RALLYE do Cocido.

SEGUNDA:

As obrigacións xerais derivadas da aplicación da normativa de axudas e subvencións están establecidas na Lei 38/2003, do 17 de novembro, Xeral de Subvencións, na lei 9/2007 de Subvencións de Galicia e recollidas nas Bases 25 e 26 de Execución do Orzamento do Concello de Lalín para o exercicio 2016 prorrogado para o 2017.

TERCEIRA:

Son obrigas da Escudería Lalín-Deza:

- A organización e o desenvolvemento do XXIIIº RALLYE do Cocido e a atender e solventar calquera reclamación que se presente como consecuencia da celebración do mesmo, quedando o Concello de Lalín exento de calquera responsabilidade neste senso, debendo acreditar a contratación dun seguro de responsabilidade civil e un plan de seguridade tramitados con data anterior á celebración do evento.
- Indicar en toda a documentación, anuncios, folletos e publicidade nos medios de comunicación que se vaian utilizar que o Concello de Lalín participa no financiamento de dita actividade.
- Empregar a totalidade da subvención na actividade XXIIIº RALLYE do Cocido
- Facilitar toda a información que lle sexa requirida pola Intervención do Concello de Lalín, o Tribunal de Cuentas e o Consello de Contas, no exercicio das súas funcións de fiscalización e control do destino da axuda obxecto do presente convenio.



O Concello de Lalín comprométese a:

- Achegar para a execución do presente convenio a cantidade de 8.000,00 €.

QUINTA:

Considéranse gastos subvencionables aqueles que de maneira indubitada respondan á natureza da actividade subvencionada. En ningún caso se admitirán gastos que superen nun 40% do importe da subvención concedida en gastos de manutención e aloxamento.



O importe subvencionado polo Concello de Lalín liberarase unha vez presentada a correspondente xustificación por parte da Escudería Lalín Deza, aprobada a conta xustificativa, e logo da presentación de certificacións acreditativas de que a Escudería se atopa ao corrente no cumprimento das súas obrigas coa Axencia Tributaria, coa Seguridade Social, coa ATRIGA e co Concello de Lalín.

SEXTA:

No prazo máximo de catro meses a contar dende a data da celebración do evento a Escudería Lalín-Deza deberá presentar a seguinte documentación xustificativa:

- Unha memoria onde figure o programa que se desenvolveu.
- Conta xustificativa dos gastos na que se determinará o custo ou gasto total da finalidade subvencionada, detallando as facturas ou documentos con valor probatorio no ámbito mercantil e administrativo. Na conta xustificativa debe relacionarse o nome e CIF/DNI do proveedor, número de factura, data de emisión, concepto, importe da factura, data de pagamento e importe imputado á xustificación da axuda.
- Declaración do conxunto das axudas solicitadas, tanto aprobadas como pendentes de resolución, para a mesma actividade obxecto deste Convenio procedentes de calquera Administración ou entes públicos ou privados.
- Certificación de que o beneficiario se atopa ao corrente no cumprimento das súas obrigas coa Axencia Tributaria, a Seguridade Social, ATRIGA e o Concello de Lalín.
- Orzamento detallado de ingresos e gastos da actividade.
- Mostras da publicidade (carteis, anuncios, folletos...) nas que figure que o Concello de Lalín participa no financiamento de dita actividade.
- Certificado expedido polo Presidente relativo ao desenvolvemento das actividades polo que se acredite que a subvención foi destinada á finalidade para a que foi concedida.
- Xustificación do gasto realizado, que se acreditará mediante orixinais ou copias cotexadas de facturas e demais documentos de valor probatorio equivalente con validez no tráfico xurídico mercantil xunto cos xustificantes do pago das mesmas. O gasto xustificado documentalmente deberá acadar, como mínimo, o importe subvencionado ou a suma das subvencións obtidas para a mesma finalidade.

As facturas deberán cumprir cos seguintes requisitos:

- Deberán ser orixinais, expedidas pola entidade ou persoa subministradora dos bens ou servizos.
- Deberá constar na factura unha descripción do gasto. Se o concepto non está suficientemente descrito neste aspecto, deberá ir acompañado de nota explicativa asinada polo Presidente da entidade da que se deduza unha clara relación do gasto coa actividade subvencionada.

Secretaría Xeral

- Reflexará os datos identificativos do expedidor (nome, apelidos, denominación ou razón social, NIF e domicilio).
- Reflexará os datos identificativos do destinatario que deberá ser a entidade subvencionada (nome, apelidos, denominación ou razón social, NIF e domicilio).
- Incluír unha descrición detallada e prezo unitario da operación e a súa contraprestación totadetalando de xeito separado o IVE correspondente.
- Xustificantes de pago das facturas utilizadas para a xustificación. Só se admitirán como xustificantes os pagos realizados mediante transferencia bancaria, polo que as facturas deberán acompañarse do correspondente xustificante de dita transferencia. No caso de pagos por importe igual ou inferior a 300,00 euros admitirase o pago en metálico ou cheque nominativo sempre e cando se faga constar na factura o selo do proveedor, a dilixencia de factura pagada e o nome, DNI e sinatura da persoa que dilixencie o cobro da mesma.
- No caso de que se teñan realizado pagos que conleven retención de IRPF deberán presentar o correspondente modelo xustificativo de ter realizado o ingreso de dita retención na Axencia Tributaria.

O gasto xustificado documentalmente deberá acadar, como mínimo, o importe subvencionado ou a suma das subvencións obtidas para a mesma finalidade.

SÉTIMA :

Son causas de reintegro da subvención, xunto cos intereses de demora correspondentes dende o momento do seu pago, a non presentación en prazo da documentación prevista na cláusula sexta deste convenio ademais das establecidas no Título II da Lei 38/2003, do 17 de novembro, Xeral de Subvencións

A Escudería Lalín-Deza quedará sometida ás responsabilidades e réxime sancionador establecidos na Lei Xeral de Subvencións e na Lei Xeral Presupostaria.

Para os supostos non previstos neste convenio serán de aplicación as normas incluídas nas Bases de Execución do Presuposto do Concello de Lalín para o exercicio 2016 prorrogadas para o 2017, na Lei 38/2004, do 17 de novembro, Xeral de Subvencións e no seu Regulamento e na Lei 9/2007 de Subvencións de Galicia.

OITAVA :

As cuestións litixiosas xurdidas da aplicación do presente Convenio, e non resoltas en vía administrativa, serán resoltas pola Xurisdición Contencioso administrativa.

NOVENA :

O presente convenio resolverase por incumprimento total ou parcial dalgunha das

Secretaría Xeral
cláusulas que o regulan.

DÉCIMA: O período máximo de vixencia do presente convenio será dende o día da súa sinatura ata o 31 de decembro de 2017.

Lido polas partes e como proba de conformidade co expresado no presente convenio, asínano e rubrícano por triplicado exemplar, no mesmo lugar e data que se indica ao comezo.

POLO CONCELLO DE LALÍN
O Concelleiro de Deportes,



Asdo.: D. Nicolás González Casares

POLA ESCUDERÍA LALÍN-DEZA
O Presidente,



Asdo.: D. Antonio Rodríguez Troitiño

